



#### **BALDINTZA TEKNIKOAK:**

**2012/13 IKASTURTEAN HAURRESKOLAK PARTZUERGOKO HAURRESKOLETAN "HAURRAREN GARAPEN INTEGRALA PIKLER PEDAGOGIAREN IKUSPEGITIK", "IKAS KOMUNITATEAK", "HEZIKETA AFEKTIBOA GENERO IKUSPEGITIK" ETA "PSIKOMOTRIZITATE ERLAZIONALA" PROIEKTUAK GARATZEKO, PRESTAKUNTZARAKO AHOLKULARITZA ETA ASISTENTZIA. PROZEDURA IREKIA (002/12 ESPEDIENTEA)**

#### **1. KONTRATUAREN XEDEA.**

Haurreskolak Partzuergoko haurreskoletan "Haurraren garapen integrala Pikler pedagogiaren ikuspegitik", "Ikas komunitateak", "Heziketa afektiboa genero ikuspegitik" eta "Psikomotrizitate erlazionala" proiektuak garatzeko, prestakuntzarako aholkularitza eta asistentzia araupezeko baldintza eta preskripzioak erregulatzea.

#### **2. LOTEAK**

Prestakuntza ekintza hau lau lotetan banatuta dago eta lote bakoitza enpresa desberdinetara esleituta izan daiteke.

- **1go lotea:** Haurraren garapen integrala Pikler pedagogiaren ikuspegitik
  - Talde kopurua: 10
  - Prezioa: 32.400,00 €
- **2. lotea:** Ikas komunitateak
  - Talde kopurua: 3
  - Prezioa: 9.720,00 €
- **3. lotea:** Heziketa afektiboa genero ikuspegitik
  - Talde kopurua: 4
  - Prezioa: 12.960,00 €
- **4. lotea:** Psikomotrizitate erlazionala
  - Talde kopurua: 8
  - Prezioa: 25.920,00 €



### **3. TOKIAK**

Haurreskolak Partzuergoko hezitzaile guztien parte hartzea errazteko asmoz, proiektuak EAEko hiru lurraldetan bete beharko dira. Proiektuak zein udalerrietan egingo diren Haurreskolak Partzuergoak ezarriko du.

### **4. IRAUPENA**

Prestakuntza ekintza hau 2012/13 ikasturtean zehar garatuko da. 2012ko abenduan hasiko da eta 2013ko abuztuaren 31an bukatuko da.

### **5.- GAUZATZEKO BALDINTZAK.**

- Prestakuntzako plan honen asistentzia euskaraz egin beharko da.
- Esleipendun enpresak ekintza antolatzerakoan Haurreskolak Partzuergoak ezarritako ildoak jarraitu beharko ditu: talde kopurua, talde bakoitzeko pertsona kopurua, aurrez aurreko prestakuntza ekintzak,..
- Esleipendun enpresa, ekintza formatiboa modu egoki batean garatzeko baliabide egokiak ezartzeaz arduratuko da, kontratuak irauten duen artean sortutako gastuak bere gain hartuaz.
- Haurreskola Partzuergoak ezarriko du, formakuntza prozesuan zehar, ekintza bakoitzean parte hartuko duen parte hartzaileen kopurua eta taldeak. Kopuru hauek aldakorrak izan daitezke kurtsoan zehar, beti ere haurreskola bakoitzeko hezitzaile kopuruaren arabera.
- Esleipendun enpresak, ekintza formatiboan parte hartzen duten pertsona guztiei, edozein momentutan hasten badira ere, ikastaroan beharrezkoa duten material didaktiko guztia eskainiko die.
- Aukeratua izaten den enpresak, hurrengo ekintzak aurrera eramateko konpromezua hartzen du:
  - Formakuntza proiektu bakoitzean, parte hartzaile guztiei ekintza formatiboa eskaintzea modu presentzialean edo on-line moduan. Parte hartzaileen kopurua izena emanda duten haurreskolen eta bertako hezitzaileen arabera izango da.
  - Proiektuaren edukina, "Lanerako Proiektu Tekniko"aren bidez enpresak lehiaketa honetara aurkeztu duena izango da. Ondoren, edozein aldaketa ezarri nahiko balitz (material didaktikoa, ekintzen antolaketa...), Haurreskola Partzuergoko Formakuntza zerbitzuak aurrez onartua izan beharko da.



- Proiektuak, kontzeptu teorikoen ikaskuntza eta ekintza praktikoetan sakondu beharko du, beti ere hezitzaileek lan egiten duten lan taldea zein den kontutan hartuaz, hau da, 0-3 urte arteko haurrak.
- Esleipendun enpresak, ezarritako epeetan kontratatutako kontsulta eta asistentzia lanak hasteko konpromezua hartzen du.
- Esleipendun enpresak Haurreskolak Partzuergoari ekintza formatiboaren garapenean erabiliko duen material didaktikoaren kopia bat entregatu beharko du. Era berean, kurtsoan zehar gehitu nahi diren material guztiak, Haurreskola Partzuergoko Formakuntza Sailaren onespena beharko dute.
- Esleipendun enpresa, noizean behin, Haurreskola Partzuergoko Formakuntzaren arduradun direnekin bildu beharko da. Bilera hauek, Haurreskola Partzuergoko egoitzan burutuko dira.

## **6.- LOTE GUZTIENTZAT KOMUNAK DIREN AGINDUAK**

Hautatutako enpresak hartzen dituen konpromezuak Haurreskola Partzuergoarekin, hautaketaren ondoren eta ekintza formatiboari dagokionez:

### **A) Ekintza formatibo bakoitzaren aurretik:**

- a. Kontratu honen ebazpenaren ondoren, Haurreskola Partzuergoak hautatutako erakunde bakoitzari, ekintza formatibo horretan parte hartu behar duen haurreskolaren eta momentu horretan lanean ari diren hezitzaileen zerrenda bat helaraziko dio. Pertsonen kopuru hau, kurtsoan zehar handitu ahal izango da, haurreskola parte hartzaileetan jende gehiago lanean hastearen ondorioz (haureskola bakoitzeko hezitzaile guztiek ekintza horretan parte hartu beharko dute). Talde bakoitza haurreskola desberdinez osatuko da, bakoitzaren tamaina eta osatzen duten hezitzaile kopurua kontutan hartuaz.
- b. Formakuntza prozesuan parte hartuko duten hezitzaileei emango zaien dokumentazioaren eta materialaren prestaketa. Bai, hasieratik hasiko diren hezitzaileei eta bai ondoren gehituko zaizkienei, ekintzaren garapenean zehar.
- c. Formakuntza hasi aurretik, parte hartzaileei emango zaien material didaktikoa Haurreskola Partzuergoari entregatzea.

### **B) Ekintza formatiboaren garapenean zehar:**

- a. Etengabeko koordinazioa hezitzaile guztiekin, etengabeko asistentzia eta formakuntzaren bidez, bai presentzial moduan eta bai on-line moduan.



- b. Hezitzaileen parte hartzearen jarraipen etengabea egiten dituzten ekintza eta lan desberdinetan. Horretarako Haurreskola Partzuergoak entregatutako akta eredia erabiliko da.
- c. Haurreskola bakoitzean egindako lanaren zuzendaritza eta jarraipen etengabea.
- d. Talde lanean oinarritutako zonaldeko mintegien antolaketa, gaietan adituak diren pertsonen eta hezitzaileen laguntzarekin. Haurreskola Partzuergoak mintegien kopuru orokorra ezarri ahalko du.
- e. Kurtso amaieran parte hartzen duten hezitzaileek betetako ebaluaketak entregatzea eta jasotzea. Eraitza hauek Haurreskola Partzuergoari entregatuko zaizkio, Formakuntza eta Hezkuntza Laguntza zerbitzuak ezarritako zonaldeko banaketak kontutan hartuaz
- f. Hemen azaltzen ez den eta Formakuntza prozesuaren garapen egokirako beharrezkotzat jotzen den guztia,

C) Ekintza formatiboa amaitzean:

- a. Enpresek Haurreskola Partzuergoari helaraziko diote:
  - Aurrez aurreko ekintzetan parte hartzaileen sinadura orriak eta pertsona hauen jarraipena Excell ereduari.
  - Ekintza formatiboaren etengabeko edo kurtso amaierako ebaluazioak, eta lortutako emaitzak.
  - Aurrez aurreko ekintzetan, kale egiten duen jendeak bere ausentzia justifikatzeko erabilitako ziurtagiriak.
  - Lana bukatzean, zerrenda bat entregatuko da parte hartu duten pertsona guztiekin eta kasu bakoitzean dagokion GAI/EZ GAI balorazioarekin.
  - 2012/2013 ikasturtean burututako ekintza formatiboen amaieran, enpresa bakoitzak, ekintza hauei buruzko memoria deskribatzaile bat aurkeztuko du Haurreskola Partzuergoko egoitza sozialean.
  - Esleipendun enpresek, edozein kasutan hilabeteko epea izango dute kontratua amaitu ondoren, formakuntza prozesuari amaiera ematen dion edozein dokumentu, prozesuan erabilitako materialak, zentroetan egindako lanak, parte hartzaileen zerrendak, aktak eta memoria entregatzeko. Baldintza hau betetzea beharrezkoa da aurkeztutako abala berreskuratzeke.



D) Likidazio ekonomikoa:

Enpresa edo pertsona esleipendunak hileroko faktura bat igorriko du bere zerbitzuengaitik. Faktura hori, Haurreskolak Partzuergoari zuzenduko zaio.

## **7.- AURKEZTU BEHARREKO FORMAKUNTZA PLANA**

Lehiaketa honetara aurkezten diren pertsona edo enpresek, formakuntza plan bat garatu beharko dute beraien eskaintzan ondorengo ezaugarriekin:

- Formakuntza planaren deskribapena
- Erabilitako metodologia
- Ekintzaren garapen egokirako baliabideak
- Irakasleak. Haurreskola bakoitzean proiektuaren garapenaz arduratuko diren irakasleen zerrenda.
- Antolaketa: aurrez aurreko orduen, on-line bidezko orduen eta haurreskoletan burutuko diren orduen proposamena.
- Haurreskola Partzuergoak aurkeztutako ordu kopurua aldatu dezake, bere beharrianen arabera.
- Ekintzak burutzeko egutegi bat.
- Edukinen zehaztapena.

## **8.- GAINBEGIRATZE ETA KONTROL AHALMENAK**

Haurreskola Partzuergoak, egiten diren lanen gainbegiratze eta kontrol ahalmenak erreserbatuko ditu, horretarako esleipendun enpresek beharrezko lankidetzak eskainiaz. Baldintza hauen onarpena beharrezkoa izango da, dagozkion ordainketak jaso ahal izateko.